

Հաստատված է  
ԳԳՀ գիտական կորիորի  
2020թ. հունիսի 28-ի թիվ 6 նիստում  
Ռեկտոր՝  Հակոբյան  
«28» 06. 2020թ.

**ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆՈՒՄ ՄԻԶԻՆ ՄԱՍՆԱԳԻՏԱԿԱՆ  
ՌԻՍՈՒՄՆԱԿԱՆ ՀԱՍՏԱՏՈՒԹՅՈՒՆՆԵՐԻ 2020-2021 ՌԻՍՈՒՄՆԱԿԱՆ ՏԱՐՎԱ  
ԲԱՐՁՐ ԱՌԱՋԱԴԻՄՈՒԹՅԱՄԲ ՇՐՋԱՆԱՎԱՐՏՆԵՐԻ ԱՌՑԱՆՑ  
ԸՆԴՈՒՆԵԼՈՒԹՅԱՆ ԵՎ ՌԻՍՈՒՄՆԱԴՈՒԹՅԱՆ  
ԿԱԶՄԱԿԵՐՊՄԱՆ Կ Ա Ր Գ  
(փոփոխություններով)  
I . ԸՆԴՀԱՆՈՒՐ ԴՐՈՒՅԹՆԵՐ**

1. Գավառի պետական համալսարանում (այսուհետ՝ Համալսարան) միջին մասնագիտական ուսումնական հաստատությունների 2020-2021 ուսումնական տարվա բարձր առաջադիմություն ցուցաբերած շրջանավարտների ընդունելությունը կազմակերպվում է «Գավառի պետական համալսարանում միջին մասնագիտական ուսումնական հաստատությունների բարձր առաջադիմություն ցուցաբերած շրջանավարտների ուսուցումը շարունակելու կարգ»-ին համապատասխան, միաժամանակ, հիմք ընդունելով «Հայաստանի Հանրապետությունում արտակարգ դրություն հայտարարելու մասին» ՀՀ Կառավարության 2020 թվականի մարտի 16-ի թիվ 298-Ն որոշումը և հաշվի առնելով Հայաստանի Հանրապետության ողջ տարածքում կիրառվող ժամանակավոր սահմանափակումների մասին ՀՀ Պարետի 2020 թվականի մայիսի 3-ի թիվ 63 և 2020 թվականի մայիսի 14-ի թիվ 74 որոշումները՝ ընդունելությունն անցկացվում է առցանց:
2. Դիմորդները դիմում-հայտերը և սույն կարգի 3-րդ կետում նախատեսված փաստաթղթերի պատճենները ներկայացնում են էլեկտրոնային տարբերակով՝ ներբեռնելով Համալսարանի համացանցային /[www.gsu.am/](http://www.gsu.am/) կայքի գլխավոր էջի միջին մասնագիտական ուսումնական հաստատությունների բարձր առաջադիմություն ցուցաբերած շրջանավարտների դիմումների առցանց ընդունման հարթակում՝ մինչև 2020 թվականի օգոստոսի 30-ը:

3. Գավառի պետական համալսարանի առկա և հեռակա ուսուցման ֆակուլտետներում կրթությունը շարունակելու նպատակով քոլեջների բարձր առաջադիմությամբ շրջանավարտներից պահանջվում են հետևյալ փաստաթղթերը՝

- 1) էլեկտրոնային դիմում՝ ուղղված Համալսարանի ռեկտորին.
- 2) անձը հաստատող փաստաթղթի պատճեն (անձնագիր կամ նույնականացման քարտ).
- 3) ավարտական փաստաթղթի՝ դիպլոմի և դրա ներդիրի լուսապատճեն.
- 4) միջին մասնագիտական ուսումնական հաստատության ամփոփիչ ատեստավորման հանձնաժողովի արձանագրության պատճեն.
- 5) լուսանկարի լուսապատճեն /սկանավորված/ (3x4 չափսի).
- 6) զինվորական գրքույկի կամ կցագրման վկայականի պատճեն /առկայության դեպքում/
- 7) Հայաստանի Հանրապետության օրենսդրությամբ սահմանված արտոնությունից օգտվելու վերաբերյալ համապատասխան փաստաթղթերը (դրանց առկայության դեպքում):

## **II. ՇՐՋԱՆԱՎԱՐՏՆԵՐԻ ԸՆԴՈՒՆԵԼՈՒԹՅՈՒՆԸ ԵՎ ՀՐԱՄԱՆԱԳՐՈՒՄԸ ԳՊՀ-ՈՒՄ**

4. Գավառի պետական համալսարանում ուսուցումը շարունակելու հավակնորդների սահմանվածից ավելի մեծ թվի առկայության դեպքում համալսարանն իրականացնում է հավակնորդների մրցութային ընտրություն մանդատային հանձնաժողովի (այսուհետ՝ հանձնաժողով) առցանց նիստում՝ հանձնաժողովի կազմի երկու երրորդից ոչ պակաս անդամների ներկայության դեպքում:

5. Մրցութային անցկացնելիս՝ առաջնահերթությունն ըստ հաջորդականության տրվում է այն հավակնորդներին, ովքեր ունեն՝

- գերազանցության ավարտական փաստաթուղթ (դիպլոմ),
- ավարտական փաստաթղթի (դիպլոմի) միջուկում առավել բարձր միջին գնահատական,
- ամփոփիչ ավարտական ստուգման արդյունքում առավել բարձր միավորներ,

- պետական որակավորող հանձնաժողովի կողմից հատուկ երաշխավորություն:

Նշված բոլոր պայմանների հավասարության դեպքում կազմակերպվում է հավակնորդների առցանց հարցազրույց:

6. Մրցույթով անցած անձանց Համալսարանի ռեկտորի հրամանով թույլատրվում է մասնակցել ուսումնական պարապմունքներին:

7. Մրցույթով անցած անձանց՝ որպես ուսանող հրամանագրումը կատարվում է միջին և բարձրագույն մասնագիտական կրթական ծրագրերի ուսումնական պլանների առարկայական տարբերությունների առցանց հանձնումից հետո:

Մրցույթով անցած և պարտադիր զինվորական ծառայության մեկնած անձանց տրվում է ակադեմիական արձակուրդ: Առարկայական տարբերությունների հանձման առավելագույն ժամկետը երեք ամիս է:

8. Ընդունելության արդյունքներն արձանագրվում են, արձանագրությունները ստորագրվում է հանձնաժողովի նախագահի ու առցանց ընդունելությանը մասնակցած անդամների կողմից և կնքվում:

9. Համալսարան ընդունված անձինք սույն կարգի 3-րդ կետում նշված փաստաթղթերի բնօրինակները /կամ պատճենները՝ լուսապատկերների փոխարեն/ ներկայացնում են Համալսարան՝ անձնական գործում պահելու նպատակով:

10. Համալսարան ընդունված անձը ներկայացվում է հրամանագրման, և Համալսարանի ու նրա միջև կնքվում է պայմանագիր: